

EGUNEKO DIANAK

Jose Luis Ugarte



Jose Luis Ugarte 62 urteko getxotarrak, BOC Challenge estropada egin du itsasoan zortzi hilabeteetan. Ekainean atera bazen ere BBV Expo 92 untziarakin, ekainean hasi zen Newporteko portutik BOC Challenge proba. 7.000 itsas mila egin ondoren, ez duela gehiago estropada honetan parte hartuko adierazi du Ugartek / 25

Versant Antzerki taldea



Versant Antzerki taldeak ikuskizun harrigarria eskainiko du gaur gauean Miarritzeko Festibal Jauregian eta Portu Zaharreko hondartzan. Bi leku hauek elkarri lotuz hari optikoen bidez, irudiak, antzerkia eta antzerki irudiak nahasiko dira, antzerki «interaktiboa» bideratuz. Versant taldeak eskainiko duen ikuskizuna Paul Claudelen lan batean oinarritua dago / 27

Jose Barrionuevo



Jose Barrionuevo Espainiako Barne ministro ohiak, Amedo eta Dominguez-aren aurkako epaiketaren deklaratu zuen atzo. Barrionuevok uko egin zion GAL «talde terrorista» bezala definitzeari eta bere atentatuak «legehausteak» zirela esan zuen. Diru berezien kontrol zehatza eramaten zuela ere komentatu zuen, nahiz eta ez eman inongo argibiderik diru hauei buruz / 4

Valentin Pavlov



Valentin Pavlov Soviet Batasuneko lehen ministroak atzera bota behar izan zituen bere eskariak, atzoko legebiltzarreko bileraren ondorioz. Pavlovek, Grigori Iavlinski-k Gorbatxoventzat egin zuen programa ekonomikoa mespresetatu zuen pasa den astelehenean eta bere karguarentzat botere gehiago eskatu. Lehen ministroaren eskaria atzo aztertu behar zen, baina Gorbatxov egin zuen hizketaldiaren ondoren, bozkatu ere ez zen egin / 22

Xabier Silveira: «Betiko bertsolariak izanen dira plazetan kantari»

JOSE LUIS AIZPURI / LESAKA

Xabier Silveira hamabost urteko lesakarrak Nafarroako Haur eta Gaztekoen txapelketa irabazi du aurtengo honetan. Txapeldunaren abizenak erakusten duen bezala, Portugalen ditu aitaren aldeko sustraiak, eta Lesakan amaren aldekoak.

Nafar bertsolaritzaren harrobi oparotik Xabier eta bere adin bereko beste zenbait gazte atera dira, belaunaldi berri bat osatzeko zorian direlarik. Gipuzkoa eta Bizkaiko bertsolari gazteen artean eta Nafarroako artean, alde handirik ez dagoela esaten du komentaturik. «Ez dago alde handirik gu eta Gipuzkoako bertsolari gazteen artean eta horren adibiderik garbiena, Estitxu Arozenak, Euskal Herriko Haur eta Gaztekoen Bertsolari Txapelketa finalerako lortu duen plaza izan da. Ez dago nagusietan bezain ezberdintasun nabaririk».

Nafarroako iparraldeko bertso eskoletan, 30 edo 40renbat gazte ari dira bertsotan ikasten nahiz eta hamarren bat bakarrik aritu bapatean kantatzen. Bertso paperetatik, bapatera pasatzeko pausua ez dutela denek ematen komentatzen du txapeldun gazteak: «Lotsarik ez baduzu eta ez bazara urdiri jartzen jendaurrean oso erraza da paperetik bapaterako aldaketa egitea. Ez da beldurrik izan behar bapatean kantatzeko». Xabierrek, bere adineko bertsolariek jende aurrean kantatzeko izaten dituzten arazoak ere azpimarratzen dizkit: «Noizbehinka



SOSLAIA

Aitona bertsolariak

Xabier Silveira gazteari bertso zaletasuna familiatik datorriko dudarik gabe. Portugaleko bere aitona portugesez kantatzen zituen bertsoak, «hemengo koplen antzekoak dira Portugaleko bertsoak» dio Xabierrek. Gainera bere aitona euskaldunak ere bertsotan egiten zuen plazetan eta honek, bertsoetan hasteko lagundu diola komentatzen du. Lorentxo Aburuza eta Manolo Arozena dira bere bertso irakasleak eta Arantzako bertso eskolan ordu asko igarotzen ditu beste ikaskideekin bertsotan. Lagunen artean bertso zaletasuna asko suspertu dela dio lesakarrak, nahiz eta orain arte gehiegi ez gustatu.

afari edo bazkarietan bertsotan aritu izan naiz baina ez dut oraindik plazetan kantatu. Nik uste bertso saio gehiago behar direla bertsolari gazteok zaildu gaitezen».

Antolatzen diren bertso saioetara «betiko» bertsolariak joaten direla eta honek sortu lezakeen arazoak hitzegiten du Lesakako bertsolariak: «Betiko hamar edo hamabi bertsolari gonbidatzen dituzte saioetara eta honek zenbait ate itxi liezaizkieke bertsolari gazteei». Egoera hau konpontzeko irtenbidea ere jartzen du Xabierrek, «Nik uste bertsolari hauek mugatu egin beharko lituzketela beraien plazak urtean zehar, eta soberan geratzen direnak gazteei utzi».

Xabier Silveira hamar urterekin hasi zen bertsoak ikasten 'Antiromairu' ikastolan Manolo Arozenaren zuzendaritzapean. «Ikastolan zuzertero egiten da idatzizko bertsolari lehiaketa bat eta bertara hasi nintzen bertsoak bidaltzen». Nahiko ongi moldatzen zela komentatu zioten lesakarrari eta horrela hasi zen pixkanaka animatzen.

Nafarroako Gaztekoen Bertsolari Txapelketan orain lau urte hartu zuen parte lehen aldiz eta harrez gero, urtero atera da. Bi aldiz eskuratu du txapela. Ikastolan bertsotan hasi bazen ere, 'Arantza' elkartearen ematen dituen ordu gehienak bertsotan, «astean bi ordu t'erdia pasatzen ditugu bertsotan Manolo Arozena eta Bittor Elizagoienekin Arantzako elkartearen» komentatzen du Xabierrek.

LERRU GUTXITAN

ETA BIHAR

Motorreko istripu batean hil da gazte bat Aginagan

23 urteko gazte bat hil da Aginagan, bere motorrarekin kamioi baten azpian sartu zen. I.O.I. gaztea, SS-6609-AH matrikuladun Aprila 125 c.k. motorrean zihola, SS-VE-02096 matrikuladun kamioi baten azpian sartu zen atzo eguerdiko 2.30etan, Gurutze Gorriak adierazi duenez. Aurrez aurreko istripua gertatu ondoren, I.O.I. gaztea bizirik eraman zuen Donostiako Erresidendiara Gurutze Gorriak. Ospitalean berehala hil zen, medikuek ezin izan bait zuten ezer egin. Aginagako errebueltan gertaturiko istripuaren zergatia ez da oraindik argitu bere osotasunean.



NEURE etxea ez duzue botako! esan zien behin eta berriz Albert Dryder-ek desjabetu nahi zuten gobernu federaleko funtzionarioei. Buldozerrak agertzean, pistola hartu eta funtzionario bat hil, polizia bat zauritu eta kazetari bati eraso egin zion.

Dantza Txapelketa

Trikiti Dantzan Euskal Herriko XV Txapelketa igandean jokatu da Seguran. Hau dela eta aurrez aurre jarri ditugu Joxe Juan Ugalde eta Antton Mendizabal dantzariak, Ramon Sanchezekin solasean 'Pareak bai' atalean. Hiru dantzariak, luze eta zabal ari tuko dira.



Mendizabal eta Ugalde.



C. V.

ONCE

ASTELEHENA	58.073
ASTEARTEA	48.304
ASTEAZKENA	47.691
OSTEGUNA	86.256

KUPOITZARRA

OSTIRALA

95.883

160. SERIEA

DONOSTIA
OIARTZUN
ARRASATE

Zure etxeko kafea.
Zaporea, lurrina... bereziarena...
kolombiarra ehunetik ehun.
Kolombiako kafearen agiria duen Euskal
Herriko etxe bakarra.

LA CASA DEL CAFE

San Martzial, 19. DONOSTIA Tel.: 424512 ARRASATE Tel.: 790346 OIARTZUN Tel.: 491642